

Go Haenh Saedceij Ndei

贵港市覃塘区蒙公镇凌寺小学五(1)班 Cinz Cingyi/覃静玉

“Gyoengqraeuz ciengq dwk dunghfangh Hungz, danggya guhcawj ndwn hwnjdaej, gyoengqraeuz gangj aengoj seizcin, gaijgwz hailangh fouq hwnjdaej ……” Moix baez dingq daengz diuz go neix, ndawsim gou gikdoengh dangqmaz! Dingq daxbuz gangj daj gaijgwz hailangh daengz seizneix, vunzraeuz gwndaenj ndei hwnjdaej lo, guekcoj raeuz maenh-ak lo.

Ngoenz singhgiz ndeu gou caeuq daxbuz bae lajmbanj lieb caenic, daxbuz gwnz loh daengq gou, daengz ranz buzbaej seiz aeu roxlaex bw, mbouj ndaej luenh fan doxgaiq bouxcawj. Gou ngaek gyauej han naeuz: “Cuengqsim ba, daxbuz.”

Banci youq doenghlaeuz sangvid ndeu dingz roengzdaej, daxbuz doiq gou naeuz: “Lan ha, daengz lo, vaiq di roengz ci ba!” Gou yawjyawj, mbouj-deng ha, wnggai mbouj dwg youq gizneix, gou geiq ndaej ranz buzbaej dwg ranzvax, dangseiz baihnaj bak-dou hix mbouj miz diuzloh suiinaez ne! Gou gaem fwngz daxbuz gangj: “Daxbuz, mwngz dwg mbouj dwg geiq loek lo, mbouj dwg gizneix ne?”



Daxbuz sikhaek dawz soujgih okdaeuj dwk dienhvah hawj buzbaej, ndaw soujgih sikhaek yiengj hwnj singlingz “mbouj miz gungcanjdangj couh mbouj miz Cungguk moq, mbouj miz gungcanjdangj couh mbouj miz Cungguk moq, gungcanjdangj de itsim gouq Cungguk ……” ciep dwk ndaw dienhvah yiengj hwnj singlingz buzbaej: “Nuengx ha, daengz mbouj caengz? Roengz banci raen aenlaeuz-moq sam caengz buengq haenx couh

dwg lo.”

Gangj sat dienhvah couh raen bakdou laeuzmoq hai lo. Buzbaej riunyumj okdaeuj rag fwngz daxbuz haeuj ranz bae. Yamq haeuj ndaw ranz buzbaej, gou dadaengx lo. Ndaw ranz baij ndaej geilai gyaundeix ya, couh lumj aen gungdienh nei. Gij daeng-diuq ronghsagsag venj youq gwnz dienvabanj, byaij hwnj laeuz bae, aenlae dwg aeu benjfaex daej bu, byaij hwnjbae mbouj miz saekdi sing,

aenlae raeuzrwd lwenqda, raizfaex gyaendeix dangqmaz, hawj gou nyinhnaeuz byaij haeuj binhgvannj hajsinggaep bae. Daengz gwnz laeuz dinghung, buzbaej dawz mak caeuq caz daej dakdaih dou, doiq dou naeuz: “Sou ngamq daengz hozhawq lo, sien gwn mak gwn caz gonq.”

Ndaw fwngz gaem mak gwn, da yawj aen densi 60 conq hung, ndawsim gou nyaenx mbouj ndaej haenh: “Va, lajmbanj bienqva caen hung ya!” Buzbaej itmienh heuh dou gwn mak, itmienh gangj geij bi neix lajmbanj bienqvaq, cujyau dwg gungcanjdangj dazyinx ndaej ndei, yinx nungzminz byaij hwnj diuzloh fouqmiz. Buzbaej lwnh gou, gyoengq bohnax seizneix cingq youq ndaw reih dwk raemx, ndaw reih ndaem miz haujai mak, raeuz gwn ngaiz le bae mbaet mak ……”

Daxbuz song cejnuengx hai aen gihciengqheiq daej dingq, ndaw gih ciengq: “Ngoengzneix dwg ngoenz-ndei, siengj maz couh ndaej maz, ngoenzneix dwg ngoenzndei, raeuz hai douranz coux seizcin ……”

(bouxlauxsae son' gyauq Luz Dunghginz)

Doxgaiq Singyaez Gou

贵港市覃塘区蒙公镇古山小学五年级 Veiz Yenniz/韦燕妮

Gou miz yiengh doxgaiq singyaez ndeu, daihgaya cai dwg gijmaz ne? Hawj gou daej lwnh sou nyi ba, dwg aen funghsan iqet lingzloengz ndeu. De dwg mwh gou gvaq ngoenzseng, daxmeh dang gij laex ngoenzseng soengq hawj gou. Aenfunghsan raez daihgaiq 20 lizmij, sang daihgaiq 8 lizmij, na daihgaiq 3 lizmij. Ndag de daenj buh saek hoengzmaeq, cungqgyang miz sam aen gien luenz, baihgwnz veh miz aen doz saek hoengzmaeq ndeu, couhdwg duj vasiet gig ndei yawj ndeu; raeblaeng baihlaj miz aen hab cang denciz ndeu, baihdaw cang miz song aen denciz ngeihhauh.

Gwnz naj funghsan miz aen haigven ndeu, de miz nyieg, cung, giengz sam dangj. Haigven baihlaj lij miz aen dienhdoengz iqet ndeu, cijaeu hai aen haigven, de couh sikhaek rongh hwnjdaej, mwh siengj gven de naenx aen haigven couh gven lo.

Mwh mbwn ndat, gou yungh de daej beiz rumz, gij rumz de liengzsis, cwxcaih dangqmaz. Geiq ndaej miz ngoenz singhgiz roek daengngoengz ronghsag ndeu, dou daengx ranz vunz bae Majcaujgyangh Gunghyenz youz. Mwhhaenx mbwn ndat raixcaix, gou daiq aen funghsan iq neix bae lo. Gou doq byaij doq hai aenfunghsan daej beiz rumz, mbouj roxnyinh daengz ndat saekdi. Sawqmwh gou daemjnduet deng

laemx lo. Mwh gou yaek benz hwnjdaej, aen funghsan iq venj youq gwnz hoz haenx hix doek roengzdaej lo, de lumjbaenz doiq gou naeuz: “Heuh mwngz byaij roen mbouj yawj roen, danghnaeuz mwngz caiq baenzneix mbouj siujsim, gou couh mbouj caeuq mwngz guhcaemz lo, gou bae ra siujbaengzyoux wng lo, hw!” Gou dingq le, ndawsim siengj: Gaej lau, cuengqsim ba! Baezlaeng gou mbouj caiq yienghneix lo!

Neix couhdwg yiengh doxgaiq singyaez gou — aen funghsan iq ndeu.

(bouxlauxsae son' gyauq Liengz Haijyangz)



De Dwg Buengjiyengh Hagsib Gou

上林县大丰镇皇周小学四年级 Dungz Gizvanj / 童琪琬

Ngoenzneix lauxsae yaek haenh boux vunz ndeu, dwg bouxlawz ne? Mbouj loek, dwg Veiz Lingz. Haenh de yienghlawz ne? Dangyienz dwg haenh de sij cih ndei lo.

Lauxsae dawz bonjgoenzgeiq cuengq haeuj douzyingyiz bae hawj dou cienz ban doengzhag yawj. Dou yawjraen gij cih Veiz Lingz le cungj haenh hwnjdaej: “Va, lajmbwn baezlawz miz cih sij ndaej yienghneix ndei ne? Ndeiyawj lai lo.” Dahraix, cihsaw Veiz Lingz sij haenx vengz bingz cig soh, fuengfueng cingqingq, cingcaez lumj dajyaeng okdaeuj nei. Lauxsae itcig haenh de, mboujcix dwg “de sij cih yienghneix ndei, daxmeh de angq lai lo, gwn raemx cungj rox diemz lo.” mboujcix dwg “mwngz baenzlawz yienghneix ndei ne?” haenh dwk gyoengqdou cungj dahoengz lo. Lauxsae youh heuh de lwnh gij mimiz sij cih ndei hawj dou nyi, yienzlaiz dwg de sij cih seiz mboujgip mboujmuengz, gig miz naihsim, baez bit baez veh cungj iugouz swheij sij ndaej fuengfueng cingqingq.

Dingqnyei Veiz Lingz baenzneix gangj, gou roxnyinh najhoengz dangqmaz, gou bingzseiz cungj siengj vaiqdi bae guhcaemz, ganjgip sij sat cozyez, di ndeu nbouj guenj cih sij ndaej baenzlawz yiengh, baezlaeng gou aeu yieingq Veiz Lingz hagsib lo.

(bouxlauxsae son' gyauq Vangz Gveiyangh)